



Takmičenje u okviru projekta „SUCCESS“

Studentkinje Ekonomskog fakulteta Brčko, Dušanka Lukić, Elmedina Fazlović i Nikolina Marković, učestvovala su na takmičenju u okviru projekta „SUCCESS“, koje se održalo u Sarajevu u prostorijama Internacionalnog Burč univerziteta (IBU).

U periodu od 22.5. do 24.5.2023. godine, imale su priliku da stečena znanja i vještine unaprijede kroz različite aktivnosti uz pomoć mentorske podrške, te su od ukupno osamnaest timova, prošle u deset timova finalista, gdje su prezentovale svoju biznis ideju u okviru "Demo day" događaja i predstavile se investitorima i publici kao "E-kon" tim.

U srijedu, 23.5.2023. godine, posjetile su Centralnu banku Bosne i Hercegovine, gdje su ih ugostili uvaženi Admir Salihović i Zijada Kovač iz Službe za odnose s javnošću.

U okviru posjete, održano je predavanje o značaju i istorijatu CBBiH.

Studentski angažman i učešće ne bi bilo moguće bez ostatka E-kon tima, gdje su doprinos dali Hasan Mešić i Pero Petrović.

Projekat je pod pokroviteljstvom Erasmus+ programa Evropske unije



